

115 年全國語文競賽臺灣原住民族語言朗讀文章 【拉阿魯哇語】 高中學生組 編號 2 號

mavacangu siausipa ariatukurana

akuku puaruma sipanguhlɔvaise ariaaisanana, arakicacuaku
kihlamangicuaku arataisa? ausi puarumamana ariakasukasua mamaini,
taratuahlɔmana ahlinguku akuisa mainimana.

ucaniika akuku puaruma sipanguhlɔvaise ariaaisanana
masasangaruaku, cuhlamangicuaku tuahlu takacicihli mangusipi? kumita
kana'a ma'urucu uamia sipanguhlɔva, pi 'ahlinguku takacicihli.

akuku puaruma sipanguhlɔvaise ariaaisanana, makurukuruaku
cuhlamangicuaku mahlulupungu? ma kana'a aisa vurunganu uka'a
rumarirignina, ma patasuru ta'iarakuna, alua miakalahlapa rurumanu tu'u.

Jakuku puaruma sipanguhlɔvaise ariaaisanana, aunanacu pasamiana
makulai micalivi, kuavura ihlata maini pasamiana arupapiacikiri pakiaturua.
ma unumu caihli mualualu kuakuacahlia usumanu, umarumia pakiaturuana
patasuuru siacalaiaisa hla pasasukasa, marupanguhlɔvu tikiku, rumia
ukikirimi siaracahlia. auniniaku asapu hlituruturua pakiaturuana, hla kumita
takuliacu tikiku mulululu, aluhlɔvua mɔmɔa siacalaiaisa pakiaturuana.

aunanacu pasamiana makulai micalivi, ihlaises ihlahlamu
kupataruakuhla laulaɔvu umiiapu, umaru macuisa kari arupapiacikiri, akuku

umariatuluana caihli mavacangu hliarimiaku, kituahlɔ kitarari laihla
ngahlana taruana, lailaiviku umaru siacalaia hla siusuatamahlu,
marupanguhlɔvu siasasangaru tikiku, auniniakumana asapu hliasasangara
kana'a, hla kuhliasasangara sitakuamiana! hlipasamia kana'a apulavaumana
siacai ihlamu!

aunana siangusipiisa cucu'una makulai micalivi, tiaraisa kuavura ihlata
maini pasamia musa ukikirimi pahuailia? atuatuhlungu ihlaku pakiaturuana
lailaivikuna hla tukucukuna, tiaraisa kuavura ihlata maini pahuailia? kana'a
tu'una suhlatana hla ahlivina, atuhlungumana kana'ana akuisa taiacu
miaungu sikilaliali pakiaturuana rumahlaɔ, saparuhlangasa ausi varu'una.
pasamiana, taluavaulana mu'alivatɔ, atuhlungumana ma hlikiɔlusaita musa
paranana, maniki hlimicalivicu kana'a ia, pasalusaita pahuaili
mavacangu hlicaliva.

美好的國小人生

當我跨進國中大門時，我驚愕自己長大，我驚喜自己獨立，我驚慌自己已成熟。時間就是這樣匆匆，不給我們一點向老師告別的時，來不及向同學做一番深切的告別。歲月就是這樣匆匆，為什麼就不給我們一點時間去追憶那場景啊！桌椅們還記得是誰在教師節到來之際把它們裝飾一新的嗎？時間啊，請你停一停，留戀一下我們一起走過的歷程吧！可那畢竟已是過去，我們一起珍藏的美好回憶。